



Na osnovu člana 22 Statuta Brčko distrikta Bosne i Hercegovine - prečišćeni tekst (Službeni glasnik Brčko distrikta BiH, broj 2/10), Skupština Brčko distrikta Bosne i Hercegovine, na 12. redovnoj sjednici održanoj 15. jula 2021. godine, usvaja

ZAKON

O DOPUNI ZAKONA O UBLAŽAVANJU NEGATIVNIH EKONOMSKIH POSLJEDICA IZAZVANIH STANJEM PRIRODNE NESREĆE ZBOG COVID - 19 U BRČKO DISTRIKTU BOSNE I HERCEGOVINE

Član 1

U Zakonu o ublažavanju negativnih ekonomskih posljedica izazvanih stanjem prirodne nesreće zbog covid - 19 u Brčko distriktu Bosne i Hercegovine (Službeni glasnik Brčko distrikta BiH, brojevi: 17/20 i 40/20) vrši se dopuna na način da se iza člana „4a (Podsticaji)“ dodaje novi član 4b koji glasi:

Član 4b

(Podsticaji za 2020. godinu)

(1) Zadužuje se Odjeljenje za poljoprivredu, šumarstvo i vodoprivredu Vlade Brčko distrikta BiH da sačini spisak na osnovu kojeg će se izvršiti isplata preostalih novčanih sredstava namijenjenih za podsticaj u poljoprivrednoj proizvodnji (iznos od 20%), po osnovu odluka o izdvajanju novčanih sredstava za podsticaj za 2020. godinu, kojima je u skladu s članom 15 stavom 2 isplaćen iznos od 80% od ukupnog iznosa podsticaja utvrđenog Pravilnikom o načinu i uslovima za podsticaj u poljoprivrednoj proizvodnji za 2020. godinu.

(2) Spisak iz stava 1 ovog člana za isplatu preostalih novčanih sredstava namijenjenih za podsticaj u poljoprivrednoj proizvodnji za 2020. godinu (iznos od 20%) treba da sadrži:

- broj i datum odluka o izdvajanju novčanih sredstava za podsticaj za 2020. godinu kojima je u skladu s članom 15 stavom 2 isplaćen iznos od 80% od ukupnog iznosa podsticaja utvrđenog Pravilnikom o načinu i uslovima za podsticaj u poljoprivrednoj proizvodnji za 2020. godinu,
- ime i prezime, odnosno naziv korisnika podsticaja kome je isplaćen iznos od 80%,
- iznos isplaćenih novčanih sredstava za podsticaj u poljoprivrednoj proizvodnji za 2020. godinu (80%),
- preostali iznos novčanih sredstava za isplatu (20%).

(3) Spisak sačinjen u skladu s odredbama stava 2 ovog člana, Odjeljenje za poljoprivredu, šumarstvo i vodoprivredu Vlade Brčko distrikta BiH će dostaviti Direkciji za finansije Brčko distrikta BiH na isplatu i isti objaviti na službenoj internet stranici Vlade Brčko distrikta BiH.“

Član 2

Ovaj zakon stupa na snagu narednog dana od dana objavljivanja u Službenom glasniku Brčko distrikta Bosne i Hercegovine.

Broj: 01-02-3142/21

Brčko, 15. 7. 2021. godine

PREDSJEDNIK
SKUPŠTINE BRČKO DISTRIKTA BiH
Mr. sci. Siniša Milić